



PARLAMENTO
DE GALICIA



BOLETÍN OFICIAL DO PARLAMENTO DE GALICIA

XI lexislatura
Número 311
22 de abril de 2022



CSV: BOPGDSPG-lp5P2Y81M-8
Verificación:
<https://sede.parlamentodegalicia.gal/tramites/csv/>



SUMARIO

1. Procedementos parlamentarios

1.3. Procedementos de control e impulso

1.3.6. Proposicións non de lei

1.3.6.2. Proposicións non de lei en Comisión

1.3.6.2.4. Proposicións tramitadas

COMISIÓN 1ª, INSTITUCIONAL, DE ADMINISTRACIÓN XERAL, XUSTIZA E INTERIOR

Aprobación por unanimidade con modificacións

■ 32568 (11/PNC-002928)

Grupo Parlamentario do Bloque Nacionalista Galego

Castro García, Daniel e dous deputados/as máis

Sobre as actuacións que debe levar a cabo a Xunta de Galicia respecto da Casa de Galicia de Montevideo

[122717](#)

■ 32637 (11/PNC-002940)

Grupo Parlamentario Popular de Galicia

Arias Rodríguez, Raquel e sete deputados/as máis

Sobre as actuacións que debe levar a cabo a Xunta de Galicia e as que debe demandar do Goberno de España respecto da garantía da protección sanitaria dos socios e do patrimonio da Casa de Galicia de Montevideo

[122717](#)

Rexeitamento da iniciativa

■ 32624 (11/PNC-002938)

Grupo Parlamentario do Bloque Nacionalista Galego

Bará Torres, Xosé Luís e 2 máis

Sobre as actuacións que debe levar a cabo a Xunta de Galicia respecto da defensa da titularidade pública dos bens mobles das torres de Meirás

[122718](#)

COMISIÓN 3ª, ECONOMÍA, FACENDA E ORZAMENTOS

Rexeitamento da iniciativa

■ 27951 (11/PNC-002557)

Grupo Parlamentario dos Socialistas de Galicia

Francisco Rivera, Juan Carlos e Rodríguez Rumbo, Matilde Begoña

Sobre as actuacións que debe levar a cabo a Xunta de Galicia para impulsar unha estratexia de competitividade industrial

[122718](#)

■ 28414 (11/PNC-002592)

Grupo Parlamentario do Bloque Nacionalista Galego

Fernández Alfonso, Ramón e 2 máis



Sobre a demanda da Xunta de Galicia ao Goberno do Estado da modificación do artigo 80 da Lei 35/2006, do 28 de novembro, do imposto sobre a renda das persoas físicas [122719](#)

COMISIÓN 6ª, INDUSTRIA, ENERXÍA, COMERCIO E TURISMO

Retirada iniciativa en comisión

I 32844 (11/PNC-002966)

Grupo Parlamentario Popular de Galicia

Porro Martínez, María Corina e nove deputados/as máis

Sobre a demanda da Xunta de Galicia ao Goberno de España respecto da inclusión na planificación de Rede Eléctrica de España para 2021-2026 da conexión de Vigo á rede de moi alta tensión e da construción dunha nova subestación no polígono de Balaídos [122719](#)

Aprobación por unanimidade sen modificacións

I 31659 (11/PNC-002837)

Grupo Parlamentario dos Socialistas de Galicia

Seco García, Martín e Gallego Sanromán, María Leticia

Sobre as actuacións que debe levar a cabo o Goberno galego respecto da exixencia de mellora no servizo á empresa subministradora de enerxía eléctrica na parroquia de Suevos, en Arteixo [122719](#)

Rexeitamento das iniciativas

I 27759 (11/PNC-002545)

Grupo Parlamentario do Bloque Nacionalista Galego

González Iglesias, María do Carme e tres deputados/as máis

Sobre o proceso de venda do estaleiro Barreras en Vigo [122720](#)

I 29611 (11/PNC-002649)

Grupo Parlamentario do Bloque Nacionalista Galego

González Iglesias, María do Carme e dous deputados/as máis

Sobre as actuacións que debe realizar a Xunta de Galicia para apoiar as asociacións e federacións de comercio [122720](#)

Comisión 8ª, Pesca e Marisqueo

Aprobación sen modificacións

I 26894 (11/PNC-002491)

Grupo Parlamentario Popular de Galicia

Egerique Mosquera, Teresa e seis deputados/as máis

Sobre as actuacións que debe levar a cabo a Xunta de Galicia ante o Goberno central para acadar a participación do sector marítimo-pesqueiro no desenvolvemento dunha transición enerxética xusta para formular unha proposta homoxénea no nivel de prezos e impositivo do combustible [122720](#)



Aprobación por unanimidade sen modificacións

I 27685 (11/PNC-002537)

Grupo Parlamentario Popular de Galicia

Egerique Mosquera, Teresa e seis deputados/as máis

Sobre a demanda da Xunta de Galicia ao Goberno de España da realización, diante da Unión Europea e da Organización Mundial do Comercio, dunha defensa do sector marítimo-pesqueiro e da cadea mar-industria

[122721](#)

I 32238 (11/PNC-002887)

Grupo Parlamentario do Bloque Nacionalista Galego

Pérez Fernández, Rosana e dous deputados/as máis

Sobre a demanda da Xunta de Galicia ao Goberno do Estado respecto da corrección do proxecto de real decreto polo que se regula o exercicio da pesca das diferentes modalidades que se levan a cabo en augas dos caladoiros nacionais co obxecto de incluír a diferenciación entre a arte das vetas e a das volantillas

[122722](#)

I 32597 (11/PNC-002934)

Grupo Parlamentario do Bloque Nacionalista Galego

Pérez Fernández, Rosana e dous deputados/as máis

Sobre a demanda da Xunta de Galicia ao Goberno do Estado respecto da integración das escalas que desenvolven a súa actividade nos buques pertencentes ao Servizo de Gardacostas de Galicia no réxime especial dos traballadores do mar

[122722](#)

2. Elección e composición do Parlamento, réxime e goberno interior, organización e funcionamento

2.3. Réxime e goberno interior

2.3.1. Normas de réxime e goberno interior

I Acordo da Mesa do Parlamento de Galicia, do 19 de abril de 2022, polo que se habilita a presenza, o voto delegado o os demais sistemas previstos para a participación nas sesións parlamentarias

[122723](#)

2.3.3. Estatuto dos deputados

2.3.3.1. Declaracións de bens e dereitos e de actividades

I Resolución da Presidencia, do 12 de abril de 2022, pola que se toma coñecemento da declaración, por cesamento na condición de deputado, de bens e dereitos de D. Juan Carlos Francisco Rivera (doc. núm. 33575)

[122723](#)



1. Procedementos parlamentarios

1.3. Procedementos de control e impulso

1.3.6. Proposicións non de lei

1.3.6.2. Proposicións non de lei en Comisión

1.3.6.2.4. Proposicións tramitadas

COMISIÓN 1ª, INSTITUCIONAL, DE ADMINISTRACIÓN XERAL, XUSTIZA E INTERIOR

A Comisión 1ª, Institucional, de Administración Xeral, Xustiza e Interior, na súa sesión do 20 de abril de 2022, adoptou os seguintes acordos:

Aprobación por unanimidade con modificacións

- 32568 (11/PNC-002928)

Grupo Parlamentario do Bloque Nacionalista Galego

Castro García, Daniel e dous deputados/as máis

Sobre as actuacións que debe levar a cabo a Xunta de Galicia respecto da Casa de Galicia de Montevideo

BOPG nº 300, do 30.03.2022

Sométese a votación e resulta aprobada con modificacións respecto do texto orixinal, pola unanimidade dos 12 deputados e deputadas presentes.

O texto aprobado é o seguinte:

«O Parlamento de Galicia insta a Xunta de Galicia que tamén se dirixa ao Goberno de España para:

1. Reiterar a solicitude ás autoridades competentes de Uruguai para que se tomen todas as medidas necesarias para garantir a protección sanitaria dos socios de Casa de Galicia, así como todas aquelas que, axustadas a dereito, garantan a protección e a integridade do patrimonio cultural, artístico e histórico de Casa de Galicia, para que permanezan no ámbito da galegitude no propio país, axudando aos socios na súa adquisición ou facendo directamente a administración, de non ser posible outra solución.

2. Continuar coas medidas que correspondan dentro das súas competencias, Estado e Xunta de Galicia, para asegurar a protección socio-sanitaria dos emigrantes galegos.»

- 32637 (11/PNC-002940)

Grupo Parlamentario Popular de Galicia

Arias Rodríguez, Raquel e sete deputados/as máis

Sobre as actuacións que debe levar a cabo a Xunta de Galicia e as que debe demandar do Goberno de España respecto da garantía da protección sanitaria dos socios e do patrimonio da Casa de Galicia de Montevideo

BOPG nº 296, do 23.03.2022



Sométese a votación e resulta aprobada con modificacións respecto do texto orixinal, pola unanimidade dos 12 deputados e deputadas presentes.

O texto aprobado é o seguinte:

«O Parlamento de Galicia insta a Xunta de Galicia que tamén se dirixa o Goberno de España para:

1. Reiterar a solicitude ás autoridades competentes de Uruguai para que se tomen todas as medidas necesarias para garantir a protección sanitaria dos socios de Casa de Galicia, así como todas aquelas que, axustadas a dereito, garantan a protección e a integridade do patrimonio cultural, artístico e histórico de Casa de Galicia, para que permanezan no ámbito da galegitude no propio país, axudando aos socios na súa adquisición ou facendo directamente a administración, de non ser posible outra solución.
2. Continuar coas medidas que correspondan dentro das súas competencias, Estado e Xunta de Galicia, para asegurar a protección socio-sanitaria dos emigrantes galegos.»

Rexeitamento da iniciativa

- 32624 (11/PNC-002938)

Grupo Parlamentario do Bloque Nacionalista Galego

Bará Torres, Xosé Luís e 2 máis

Sobre as actuacións que debe levar a cabo a Xunta de Galicia respecto da defensa da titularidade pública dos bens mobles das torres de Meirás

BOPG nº 300, do 30.03.2022

Sométese a votación e resulta rexeitada por 5 votos a favor, 7 votos en contra e 0 abstencións.

Santiago de Compostela, 20 de abril de 2022

María Montserrat Prado Cores

Vicepresidenta 2ª

COMISIÓN 3ª, ECONOMÍA, FACENDA E ORZAMENTOS

A Comisión 3ª, Economía, Facenda e Orzamentos, na súa sesión do 8 de abril de 2022, adoptou os seguintes acordos:

Rexeitamento da iniciativa

- 27951 (11/PNC-002557)

Grupo Parlamentario dos Socialistas de Galicia

Francisco Rivera, Juan Carlos e Rodríguez Rumbo, Matilde Begoña

Sobre as actuacións que debe levar a cabo a Xunta de Galicia para impulsar unha estratexia de competitividade industrial

BOPG nº 264, do 26.01.2022



Sométese a votación e resulta rexeitada por 5 votos a favor, 7 votos en contra e 0 abstencións.

- 28414 (11/PNC-002592)

Grupo Parlamentario do Bloque Nacionalista Galego

Fernández Alfonso, Ramón e 2 máis

Sobre a demanda da Xunta de Galicia ao Goberno do Estado da modificación do artigo 80 da Lei 35/2006, do 28 de novembro, do imposto sobre a renda das persoas físicas

BOPG nº 264, do 26.01.2022

Sométese a votación e resulta rexeitada por 3 votos a favor, 7 votos en contra e 2 abstencións.

Santiago de Compostela, 8 de abril de 2022

María Montserrat Prado Cores

Vicepresidenta 2ª

COMISIÓN 6ª, INDUSTRIA, ENERXÍA, COMERCIO E TURISMO

A Comisión 6ª, Industria, Enerxía, Comercio e Turismo, na súa sesión do 20 de abril de 2022, adoptou os seguintes acordos:

Retirada iniciativa en comisión

- 32844 (11/PNC-002966)

Grupo Parlamentario Popular de Galicia

Porro Martínez, María Corina e nove deputados/as máis

Sobre a demanda da Xunta de Galicia ao Goberno de España respecto da inclusión na planificación de Rede Eléctrica de España para 2021-2026 da conexión de Vigo á rede de moi alta tensión e da construción dunha nova subestación no polígono de Balaídos

BOPG nº 300, do 30.03.2022

Aprobación por unanimidade sen modificacións

- 31659 (11/PNC-002837)

Grupo Parlamentario dos Socialistas de Galicia

Seco García, Martín e Gallego Sanromán, María Leticia

Sobre as actuacións que debe levar a cabo o Goberno galego respecto da exixencia de mellora no servizo á empresa subministradora de enerxía eléctrica na parroquia de Suevos, en Arteixo

BOPG nº 292, do 16.03.2022

Sométese a votación e resulta aprobada sen modificacións pola unanimidade dos 12 deputados e deputadas presentes.

O texto aprobado é o seguinte:

«O Parlamento de Galicia insta o Goberno galego a que exixa á empresa subministradora de enerxía no Concello de Arteixo o cumprimento das obrigas de seguridade e mantemento da rede, garanta



unha conservación axeitada da infraestrutura eléctrica e realice as melloras necesarias para que deixen de se produciren os apagamentos continuos que sofre a súa cidadanía.»

Rexeitamento das iniciativas

- 27759 (11/PNC-002545)

Grupo Parlamentario do Bloque Nacionalista Galego
González Iglesias, María do Carme e tres deputados/as máis
Sobre o proceso de venda do estaleiro Barreras en Vigo
BOPG nº 259, do 19.01.2022

Sométese a votación e resulta rexeitada por 3 votos a favor, 9 votos en contra e 0 abstencións.

- 29611 (11/PNC-002649)

Grupo Parlamentario do Bloque Nacionalista Galego
González Iglesias, María do Carme e dous deputados/as máis
Sobre as actuacións que debe realizar a Xunta de Galicia para apoiar as asociacións e federacións de comercio
BOPG nº 274, do 09.02.2022

Sométese a votación e resulta rexeitada por 5 votos a favor, 7 votos en contra e 0 abstencións.

Santiago de Compostela, 21 de abril de 2022

María Montserrat Prado Cores

Vicepresidenta 2ª

COMISIÓN 8ª, PESCA E MARISQUEO

A Comisión 8ª, Pesca e Marisqueo, na súa sesión do 19 de abril de 2022, adoptou os seguintes acordos:

Aprobación sen modificacións

- 26894 (11/PNC-002491)

Grupo Parlamentario Popular de Galicia
Egerique Mosquera, Teresa e seis deputados/as máis
Sobre as actuacións que debe levar a cabo a Xunta de Galicia ante o Goberno central para acadar a participación do sector marítimo-pesqueiro no desenvolvemento dunha transición enerxética xusta para formular unha proposta homoxénea no nivel de prezos e impositivo do combustible
BOPG nº 256, do 14.01.2022

Sométese a votación e resulta aprobada sen modificacións por 9 votos a favor, 0 votos en contra e 3 abstencións.

O texto aprobado é o seguinte:

«O Parlamento de Galicia insta a Xunta de Galicia a demandar do Goberno de España:



1. Que asegure a participación do sector marítimo-pesqueiro no desenvolvemento dunha folla de ruta tendente a unha transición enerxética xusta, equilibrada e asumible.
2. Que defenda ante a Organización Mundial do Comercio a formulación dunha proposta homoxénea no nivel de prezos e impositivo do combustible, antes de proceder á retirada dos subsidios ou bonificacións.»

Aprobación por unanimidade sen modificacións

- 27685 (11/PNC-002537)

Grupo Parlamentario Popular de Galicia

Egerique Mosquera, Teresa e seis deputados/as máis

Sobre a demanda da Xunta de Galicia ao Goberno de España da realización, diante da Unión Europea e da Organización Mundial do Comercio, dunha defensa do sector marítimo-pesqueiro e da cadea mar-industria

BOPG nº 259, do 19.01.2022

Sométese a votación e resulta aprobada sen modificacións pola unanimidade dos 12 deputados e deputadas presentes.

O texto aprobado é o seguinte:

«O Parlamento de Galicia insta a Xunta de Galicia a demandar do Goberno de España:

1. A realización, diante da UE e da OMC, dunha defensa pechada para frear a proposta de prohibir as subvencións á compra ou a cubrir os custos de combustible, cuxo obxectivo é a defensa da igualdade global da actividade marítimo-pesqueira e da competitividade e sustentabilidade da nosa frota.
2. A reorientación do Plan de recuperación, transformación e resiliencia (PRTR) cara ás necesidades de mellora e avance cara ao futuro do sector marítimo-pesqueiro e da cadea mar-industria, con especial incidencia na busca dunha axeitada remuda xeracional e na mellora da competitividade da estrutura produtiva e da protección do medio mariño mediante medidas de cogobernanza co sector.
3. A formulación dunha petición á Comisión Europea para a revisión das medidas de protección do marraxo dientuso de forma que non leven ao quebranto económico da frota e que teña en conta todas as medidas de xestión sostible que as diferentes ORP e a UE teñen adoptado en favor desta especie.
4. A dirixirse ao Parlamento Europeo e á DG Mare para amosar o seu rexeitamento á Resolución sobre un aumento dos recursos pesqueiros no mar, medidas para promover a recuperación das poboacións de peixes por riba do rendemento máximo sustentable (RMS), en particular zonas de recuperación de poboacións de peixes e zonas mariñas protexidas, de tal xeito que se reconsidera o seu contido, en favor do xusto equilibrio entre a sustentabilidade ambiental e as dimensións económica e sociolaboral da actividade pesqueira.
5. A trasladar durante as negociacións nos trílogos do Regulamento de Control da Pesca (CE) 1224/2009, o rexeitamento ás medidas contempladas, especialmente as referentes á pesca costeira



artesanal e, de forma específica, as referidas á obrigatoriedade de instalación de cámaras a bordo a obrigación de instalar o diario electrónico de pesca na frota artesanal e a imposición da xeolocalización en barcos de máis de 4 metros de eslora.»

- 32238 (11/PNC-002887)

Grupo Parlamentario do Bloque Nacionalista Galego

Pérez Fernández, Rosana e dous deputados/as máis

Sobre a demanda da Xunta de Galicia ao Goberno do Estado respecto da corrección do proxecto de real decreto polo que se regula o exercicio da pesca das diferentes modalidades que se levan a cabo en augas dos caladoiros nacionais co obxecto de incluír a diferenciación entre a arte das vetas e a das volantillas

BOPG nº 296, do 23.03.2022

Sométese a votación e resulta aprobada sen modificacións pola unanimidade dos 12 deputados e deputadas presentes.

O texto aprobado é o seguinte:

«O Parlamento galego insta a Xunta de Galicia a demandar do Goberno do Estado corrixir o proxecto de real decreto polo que se regula o exercicio da pesca das diferentes modalidades que faenan en augas dos caladoiros nacionais Cantábrico Noroeste, Golfo de Cádiz e Mediterráneo, co obxecto de incluír no texto final a diferenciación entre a arte das betas e a das volantillas e garantir así que as embarcacións que empregan estas últimas podan faenar tanto en augas interiores como fóra delas.»

- 32597 (11/PNC-002934)

Grupo Parlamentario do Bloque Nacionalista Galego

Pérez Fernández, Rosana e dous deputados/as máis

Sobre a demanda da Xunta de Galicia ao Goberno do Estado respecto da integración das escalas que desenvolven a súa actividade nos buques pertencentes ao Servizo de Gardacostas de Galicia no réxime especial dos traballadores do mar

BOPG nº 300, do 30.03.2022

Sométese a votación e resulta aprobada sen modificacións pola unanimidade dos 12 deputados e deputadas presentes.

O texto aprobado é o seguinte:

«O Parlamento de Galicia insta a Xunta de Galicia a levar a cabo todas as xestións necesarias para que o Goberno do Estado integre as escalas que desenvolven a súa actividade nos buques pertencentes ao Servizo de Gardacostas de Galiza no Réxime Especial dos Traballadores do Mar e a demandar segundo a lexislación vixente, nomeadamente o RD 1311/2007, os coeficientes reductores correspondentes establecidos no seu artigo 1.a.2º reforzando esas xestións coa elaboración dun informe propio sobre o índice de mortalidade e morbilidade que vén afectando ás persoas dese Servizo ao longo dos anos.»

Santiago de Compostela, 19 de abril de 2022

María Montserrat Prado Cores

Vicepresidenta 2ª



2. Elección e composición do Parlamento, réxime e goberno interior, organización e funcionamento

2.3. Réxime e goberno interior

2.3.1. Normas de réxime e goberno interior

Acordo da Mesa do Parlamento de Galicia, do 19 de abril de 2022, polo que se habilita a presenza, o voto delegado o os demais sistemas previstos para a participación nas sesións parlamentarias

Tendo en conta a situación sanitaria derivada da pandemia da covid-19, a Mesa do Parlamento de Galicia, en sesión do 19 de abril de 2022 e co acordo favorable da Xunta de Portavoces desa mesma data, ao abeiro do disposto no artigo 84.7 do Regulamento do Parlamento (DOG núm. 204, do 8 de outubro de 2020), adopta o seguinte acordo:

1º. Habilitar por un mes, que contará desde o día seguinte á publicación deste acordo no *Boletín Oficial do Parlamento de Galicia*, a presenza, o voto delegado e os demais sistemas previstos para a participación nas sesións parlamentarias por quen non puider asistir de forma xustificada por atoparse Galicia nunha situación de afectación grave da saúde da poboación que lle imposibilite a presenza física na sesión correspondente por comprometer a saúde das persoas.

2º. A petición, asinada por quen solicite a delegación ou participación telemática, deberá dirixirse á Mesa do Parlamento de Galicia e presentarse telematicamente no Rexistro da Cámara.

Santiago de Compostela, 19 de abril de 2022

Miguel Ángel Santalices Vieira
Presidente

2.3.3. Estatuto dos deputados

2.3.3.1. Declaracións de bens e dereitos e de actividades

Resolución da Presidencia, do 12 de abril de 2022, pola que se toma coñecemento da declaración, por cesamento na condición de deputado, de bens e dereitos de D. Juan Carlos Francisco Rivera (doc. núm. 33575)

No Rexistro Xeral do Parlamento de Galicia tivo entrada, co número 33575, a declaración, por cesamento na condición de deputado, de bens e dereitos de D. Juan Carlos Francisco Rivera.

En uso da delegación temporal de competencias de xestión ordinaria da Mesa do Parlamento na Presidencia da Cámara (Acordo da Mesa do Parlamento do 17 de agosto de 2020, publicado no *Boletín Oficial do Parlamento de Galicia* núm. 5, do 20 de agosto de 2020), resolve:



1º. Tomar coñecemento da declaración, por cesamento na condición de deputado, de bens e dereitos de D. Juan Carlos Francisco Rivera e dar conta desta resolución na próxima reunión da Mesa que teña lugar.


2º. Ordenar a súa publicación no *Boletín Oficial do Parlamento de Galicia* e no Portal de tansparencia da Camara.

Santiago de Compostela, 13 de abril de 2022

Miguel Ángel Santalices Vieira

Presidente





Anexo II

DECLARACIÓN DE BENS E DEREITOS¹

PRIMEIRO APELIDO: FRANCISCO	
SEGUNDO APELIDO: RIVERA	
NOME: JUAN CARLOS	
ESTADO CIVIL: SOLTEIRO	RÉXIME ECONÓMICO MATRIMONIAL:
DATA DE PROCLAMACIÓN: 22/07/2020 <small>(Indíquese a data na que foi proclamado/a deputado/a pola xunta electoral correspondente)</small>	DATA DA PRESENTACIÓN DA CREDENCIAL NA CÁMARA: 27/07/2020
CIRCUNSCRICIÓN ELECTORAL POLA QUE FOI ELIXIDO/A	OURENSE
TIPO DE DECLARACIÓN	<input type="checkbox"/> Orixinaria <input checked="" type="checkbox"/> Modificativa <input checked="" type="checkbox"/> Por cesamento na condición de deputado/a. <small>(Marque a casa que proceda)</small>



En cumprimento do disposto no artigo 6.7 da Lei de eleccións ao Parlamento de Galicia, no artigo 15 do Regulamento da Cámara e nas Normas reguladoras do seu Rexistro de Intereses (BOPG núm. 540), formulo a seguinte

DECLARACIÓN DE BENS E DEREITOS


RENDAS PERCIBIDAS POLO PARLAMENTARIO/PARLAMENTARIA ¹		
PROCEDENCIA DAS RENDAS	CONCEPTO	EUROS
Percepcións netas de tipo salarial, soldos, honorarios, aranceis e outras retribucións, calquera que sexa a súa denominación. ²	RENDEMENTO NETO REDUCIDO IRPF 2020	51.103,53
Dividendos e participación en beneficios de sociedades, comunidades ou entidades de calquera clase.		
Xuros ou rendementos de contas, depósitos e activos financeiros.	INTERESES – IRPF - 2020	170,41
Outras rendas ou percepcións de calquera clase. ³	RENDA INMOBLES	6.740,69
<p style="text-align: center;">CANTIDADE PAGADA POR IRPF</p> <p style="text-align: center;">Indíquese a cota líquida pagada no exercicio anterior á data desta declaración, a saber, o pagamento final de o haber máis as retencións. (Casa 504 do modelo IRPF 100)</p>		14.118,63€

¹ As rendas que se deben declarar son as percibidas no exercicio económico anterior á data da declaración.

² Exclúiranse as percepcións recibidas do Parlamento de Galicia, que se atopan xa publicadas na web da Cámara.

³ De ser o caso, débense incluír as percepcións cobradas por plans de pensións.





BENS PATRIMONIAIS DO PARLAMENTARIO OU DA PARLAMENTARIA					
BENS	Clase e características⁴	Situación⁵	Data de adquisición	Dereito sobre o ben⁶ e Título de adquisición⁷	Valor catastral
Bens inmobles de natureza urbana.	VIVENDA	OURENSE	2009	COMPRAVENDA PLENO DOMINIO	40.699,49
	OFICINA	OURENSE	2005	COMPRAVENDA PLENO DOMINIO	16.095,34
	LOCAL-BAIXO	OURENSE	2018	COMPRAVENDA PLENO DOMINIO	28.240,20
Bens inmobles de natureza rústica.					
Bens inmobles propiedade dunha sociedade, comunidade ou entidade que non cotiza na Bolsa e da que a persoa declarante ten accións ou participacións.					

⁴ Indique se é piso, vivenda, praza de aparcamento, local comercial, nave industrial e máis as características que procedan.


⁵ Indique a provincia onde estea situado o ben. De se tratar de bens radicados no estranxeiro, sinale o país.

⁶ Pleno dominio, núa propiedade, usufruto, dereito de superficie, privativo, ganancial, en comunidade de bens, etc.

⁷ Compravenda, herdanza, doazón, etc.




PARLAMENTO
DE GALICIA




DEPÓSITOS EN CONTAS CORRENTES OU DE AFORRO, CONTAS FINANCEIRAS E OUTROS TIPOS DE IMPOSICIÓNS ⁸		SALDO ⁹ DE TODOS OS DEPÓSITOS (€)
DEPÓSITOS/PLAZO/CONTA (07/04/2022)	CORRENTE	780.300

⁸ Indique a clase de depósito sen necesidade de sinalar a entidade bancaria.

⁹ O saldo debe ser a suma de todos os depósitos de todas as contas. Pódese tomar como referencia o saldo medio das contas correntes durante o ano anterior á declaración, ou o saldo en calquera dos sete días anteriores á declaración ou o saldo no 31 de decembro do exercicio anterior. De tomar como referencia unha das posibilidades, esta débeseles aplicar a todas as contas.






OUTROS BENS OU DEREITOS		
CLASE DE BEN OU DEREITO	DESCRICIÓN DO BEN OU DEREITO (Indique o sistema que se utilizou para a súa valoración diferencial)	VALOR (€) ¹⁰
Débeda pública, obrigas, bonos, certificados de depósito, obrigas de pagamento e demais valores equivalentes. Accións e participacións en todo tipo de sociedades, entidades con valor económico e cooperativas. Participacións en fondos de investimento	F.I Vida Plus	30.433
Sociedades participadas en máis dun 5 % por outras sociedades ou entidades que sexan propiedade, en todo ou en parte, do parlamentario ou da parlamentaria declarante.	50 % RETRILO, S.L.	20.000

VEHÍCULOS, EMBARCACIÓNS E AERONAVES	
Data de adquisición	DESCRICIÓN ¹¹
09/10/2020	Volvo XC 60

¹⁰ En bens ou dereitos negociados en mercados organizados débese reflectir o valor de cotización en calquera día hábil dos sesenta días anteriores á data desta declaración e débese así mesmo indicar a data elixida. Nos bens e dereitos non cotizados en mercados organizados débese indicar o nome da sociedade ou entidade e o valor das accións ou participacións segundo o balance anual anterior á data desta declaración. De non haber balance anual anterior á declaración, o valor que hai que declarar debe ser o teórico contable. As participacións en fondos de investimento valoraranse polo seu valor liquidativo ao 31 de decembro.

¹¹ Non indique a matrícula. Débense incluír vehículos, embarcacións ou aeronaves propiedade dunha sociedade que, non cotizando na Bolsa, estea participada dalgún modo pola persoa declarante, sempre que o parlamentario ou a parlamentaria os utilice, aínda que sexa ocasionalmente. Valoraranse segundo os prezos medios de venda aprobados polo Ministerio de Facenda.






OUTROS BENS, RENDAS OU DEREITOS DE CONTIDO ECONÓMICO NON DECLARADOS NAS EPÍGRAFES ANTERIORES	VALOR (€)

DÉBEDAS E OBRIGAS PATRIMONIAIS			
PRÉSTAMOS (DESCRICIÓN E ACREDOR)	DATA DE CONCESIÓN	IMPORTE CONCEDIDO (€)	SALDO ¹² PENDENTE (€)
Préstamo ao consumo Cetelem-adquisición vehículo	09/10/2020	29.593,32	24.635,40
Outras débedas e obrigas derivadas de contratos, sentenzas ou calquera outro título.			

¹² Na data do 31 de decembro do exercicio anterior á declaración ou calquera día do mes inmediatamente anterior á data desta declaración.





OBSERVACIÓNS

(Que a persoa declarante fai constar para ampliar información que non lle colleu noutras epígrafes desta declaración e para deixar constancia de canto considere conveniente engadir)

E para que así conste, asino esta declaración

Data: 07/04/2022

Sinatura:

De conformidade á Lei Orgánica de Protección de Datos de Carácter Persoal 15/1999, informámoslle que os datos de contacto utilizados para a presente comunicación serán incluídos nun ficheiro debidamente inscrito ante o RGPD coa finalidade de posibilitar o rexistro das declaracións de bens dos deputados do Parlamento de Galicia.

Sen prexuízo diso infórmase de que vostede poderá exercer os dereitos de acceso, rectificación, cancelación e oposición para o que debe dirixirse a: Parlamento de Galicia, C/ Hórreo, 63, 15701, Santiago de Compostela A Coruña, achegando acreditación da identidade e indicando na comunicación á atención do servizo xurídico do Parlamento de Galicia, exercicio de dereito.

En caso de non ser o destinatario desta información, por favor, rogamos comuníquenolo no enderezo do remitente para a eliminación da súa declaración de bens, non copiando nin entregando esta mensaxe a ninguén máis e procedendo á súa destrución.

ⁱ O formulario deberase cubrir con ordenador no modelo PDF interactivo que facilita o Parlamento de Galicia. Non se admitirán declaracións cubertas a man.





PARLAMENTO
DE GALICIA

BOLETÍN OFICIAL DO
PARLAMENTO DE GALICIA

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727

